

SAKSPAPIR

Saksnr	Utval	Type	Dato
018/18	Formannskapet	PS	21.03.2018
	Heradsstyret	PS	

Saksbehandlar	ArkivsakID
Jostein Klette	14/2100

Kommuneplanen sin samfunnsdel - Utlekking til 1. gongs offentlig ettersyn

Vedlegg:

UTKAST PLAN 280218

Rådmannen sitt framlegg til vedtak:

1. **Kommuneplanen sin samfunnsdel vert lagt ut til 1. gongs offentlig ettersyn, jf. PBL § 11-14.**

Formannskapet - 018/18

FS - behandling:

Kjersti Vevatne, V, gjorde slikt framlegg:

"Tiltak i handlingsdelen vert tatt ut av samfunnsplanen.

Grunngjeving:

* Tiltak høyrer til i underliggende planar, og skal vere eit svar frå sektorane på mål og strategiar lagt i samfunnsplanen.

* Kva som er dei beste grepa for å nå mål og strategiar i samfunnsplanen, kan endre seg i løpet samfunnsplanen si levetid.

* Kva tiltak som er mest aktuelle for å nå måla bør komme frå sektorane sjølve, synleggjort i kommuneplan, kommunedelplanar, temaplanar og andre strategiske dokument."

Framlegget vart trekt før avrøysting.

Formannskapet gjorde slikt framlegg: "Saka vert utsett."

AVRØYSTING

Alternativ avrøysting

Formannskapet sitt framlegg: 9 røyster (1KRF, 2FRP, 2AP, 1H, 1MDG, 1SP, 1V)

Rådmannen sitt framlegg: ingen røyster

FS - vedtak:
"Saka vert utsett."

Saksopplysningar:
Saksopplysningar:

Føremål

Kommuneplanen sin samfunnsdel har som føremål å kartleggja muligheter og utfordringar for kommunesamfunnet som heilskap, og leggja langsiktige strategiar for framtidig utvikling. Planen skal innhalde ein handlingdel som skal nyttast til å vurdere fordeling av ressursar og prioritering av oppgåver.

Bakgrunn

Planen er utarbeida i tett samarbeid med den politiske arbeidsgruppa. Denne består av ein person frå kvart parti som er representert i heradsstyret. På bakgrunn av planprogrammet er det valgt ut definerte tema for kvart av møta. Desse dannar grunnlaget for målsetting og prioriterte satsingsområde i planen.

Formkravet til planen var at den skulle vera lettlest, kortfatta og mest mogleg konkret i si tilnærming til problemstillingane. Dette for å sikre at planen skulle kunne brukast til rapportering og nyttast i forvaltninga sitt daglege virke.

Planen omfatter heile kommunesamfunnet men rådmannen har valgt å fokusere på satsingsområder og tiltak som kommunen har verkemiddel til å gjennomføre.

Visjon

I arbeidsgruppa jobba ein ut frå eit forslag om ein overordna visjon som var «Stolt, sta og annleis». Ein ser at dette er meir ei skildring enn eit mål for kvar kommunen vil med si utvikling. Etter møte i styringsgruppa vart ein difor samd om at det skulle utarbeidast ein visjon som var tufta på kva samfunn ein vil ha i 2030. Ein raud tråd i arbeidet er skaparevna i kommunen, både gjennom

bedrifter og næringsliv og i det frivillige arbeidet som skjer lokalt i bygdene. Ein vurderte difor at visjonen må vera knytt til dette.

Ein fremjar difor forslag om visjonen:

«OSTERØY2030 - SKAPANDE OG HANDLEKRAFTIG».

Dette peikar på grunderånden og tiltaksevnen som sikrar at noko vert skapt. I handsaminga må visjonen vurderast i dei politiske møta slik at denne er godt forankra.

Målsetting og satsingsområde

Det har vore eit fokus på å nytte FN sine bærekraftsmål som rammeverk for planen. Ein har difor ynskt at dei overordna vurderingane skal vera knytt til miljømessig, sosial og økonomisk bærekraft. Det er difor naturleg å ha ei overordna målsetting som er knytt til å kople samfunnsutvikling og berekraftig utvikling. Overordna målsetting er difor at:

OVERORDNA MÅLSETTING - OSTERØY KOMMUNE SKAL VERA EIN FOREGANGSKOMMUNE FOR BEREKRAFTIG SAMFUNNSUTVIKLING

Satsingsområda er knytt til dei største utfordringane kommunen vil møte i framtida. Satsingsområda er ikkje knytt til enkelte sektorar men dekkjer heilskapelege områder som er viktige for samfunnsutviklinga i kommunen.

SATSINGSOMRÅDE 1 - EIT TRYGT OG GODT LIV

Osterøy kommune skal sikre ein trygg og god oppvekst som er prega av mestring, toleranse og inkludering. Tidleg innsats og førebygging skal vera fokusområde.

SATSINGSOMRÅDE 2 - NÆRINGSUTVIKLING OG VERDISKAPING

Osterøy kommune skal vera ein attraktiv kommune for etableringa av ny næring og utvikling av eksisterande næringsliv. Osterøy kommune skal leggja til rette for verdiskaping gjennom å videreutvikle private goder og felles goder.

SATSINGSOMRÅDE 3 - BÆREKRAFTIG AREALFORVALTNING

Arealplanlegging skal legge til rette for ein langsiktig bruk av areal og utvikle levande og attraktive lokalsamfunn.

SATSINGSOMRÅDE 4 - SAMFUNNSTRYGGLEIK

Kommunen skal gjerast minst mogleg sårbar for uønska hendingar. Beredskapsmessige omsyn skal difor innarbeidast i alt planverk for arealbruk, investeringar, drift og vedlikehald i kommunen.

Handlingsdelen

Handlingsdelen skal konkretisera strategiar og tiltak for korleis ein kan nå målsettingane og satsingsområda. Desse gjer relativt konkrete føringar for korleis kommunen skal drive samfunnsutvikling framover. Det er difor viktig at handlingsdelen vert drøfta skikkeleg siden denne legg føringar for utviklingsretning.

Vurdering

Samfunnsplanen er utarbeida som eit kortfatta strategidokument som skal kunne nyttast som verktøy i kommunen sitt arbeid. Planen inneheld svært omfattande fagområder og dekker mange viktige tema. Ein vil difor aldri heilt kome i mål når det gjeld korrekt detaljeringsgrad og kor overordna ein slik plan skal vera. Dette har vore ein av dei mest utfordrande områda å diskutera i planprosessen.

For å sikre ein progresjon i prosessen bør ein no senda ut planen på høyring for å innhøyringsuttaler som ein kan jobbe vidare med. Rådmannen rår difor til at planen vert sendt på høyring til alle sektorar og avdelingar i kommunen, til flest mogleg av lag og organisasjonar i kommunen og til regionale styresmakter.

Konklusjon

Rådmannen rår til at planen vert lagt ut til 1. offentleg ettersyn.

